



ATASSUT INATSIARTUNI

ATASSUT

UKA 2013/34-1

Knud Kristiansen

06.11.13

Inissianik attartortut piffissaq eqqorlugu akiliuteqartartut siunissami attartortunut akiliineq ajortunut akiliussisarnerannik aningaasartuutinullu taakku akilinngisaannik akiliisarnerannik pisussaaffeerullugit, inissianik akiliutit aalajangersarneqartarnerat pillugu maleruagassanut atuuttunut Naalackersuisut allannguutissaannik siunnersuusiornissaat pillugu Inatsisartuni aalajangiiffigisassatut siunnersuut.

(Inatsisartunut ilaasortaq Kim Kielsen, Siumut)

Siumut sinnerlugu Inatsisartuni ilaasortap Kim Kielsen-ip siunnersuutaa tunngavilersugaalluartoq aammalu piviusunngortinneqaruni inissianik attartortorpassuarnut oqilisaanneqarnermik kinguneqartussaasoq ATASSUT-mit ilalerlugu naatsunnguamik oqaaseqarfigissavarput.

ATASSUT-mit kissaatiginarnerpaatipparput innuttaasut inissiani attartortakkani najugaqartut piffissaq eqqorlugu tamarmik inigisaminnut akiliisassasut, ajoraluartumilli taamaattoqanngilaq – tamannalu pissutigalugu najugaqarfigisami affarlerisat eqqaamiorisallu aningaasartoqataalersarput attartortoq ataaseq kinguaattooruteqarluni aallartikkaangat, ajornerpaamillu pisoqassappat inigisaminit qimagutitinneqartariaqaleraangat.

Inatsisit malitassat ullumikkut atuuttut taamaatsillugit innuttaasut akiligassaminnik isumaginnilluartut isumaginninnerluttut piliaannik eqqugaasarput, tamannalu qaangerneqartariaqarmat iliuseqartoqartariaqarneranik siunnersuuteqartoq piumasaqaateqarmat ATASSUT-mit isumaqatigaarput.

ATASSUT-mit iluarisimaakkatsinnik ajornartorsiut pimoorullugu Naalackersuisut sulissutigalugu aallartissimallugu nalunaaruteqarput, aammalu ilimasaaripput inissiat attartortittakkat pillugit inatsisit, nalunaarutit aammalu malittarisassat nutarterneqassasut.



ATASSUT INATSIARTUNI

Qulaajaaqqissaartoqarnissaa aammalu ajornangippat inatsisitigut tunngavigineqartut nutarterneqarnissaannut piffissalersuisoqarnissaa siunertaralugit siunnersuut akuersaartumik suliarineqassasoq aappassaaneerseqartinnagulu ataatsimiititaliamut susassaqtumut suliassanngorlugu ingerlateqqinneqassasoq inassutigissavarput.